

胎產心法卷六目錄

各論目錄

立科大概

濟陰通玄賦 概論八條

調經論 概論五條

各症目錄

不及期而經先行

經過期而後行

一月而經再行

數月而經一行

經行或先或後

經後腹痛

經水多少

經水紫色淡

經閉不行

石瘕 附

腸覃附

崩漏章

崩

漏

赤白帶下

白濁白淫白帶辨症

種子章十三條

目錄續終

外附經驗雜方目錄

雜方目錄

萬應丸

和中丸

三黃寶蠟丸

六合定中丸

塘西痧藥方

理氣健脾丸

大健脾丸

集聖丸

正龍二至百補班龍丸

紅丸藥

樸黃丸

治痢散

消毒飲

人中白散

胡黃連散

冰片散

人馬平安散

手拈散

寸藥方

羌活止痛湯

水石螵蛸散

乳香定痛散

鐵扇散藥方

斬鬼丹

普救萬全膏

鯽魚膏

三十六天綱膏

生肌玉紅膏

加味太乙膏

青麟丸

目錄附終

胎產心法卷六

上谷闕純璽著

崇西昌三官會重刻

立科大概

夫男女者均秉天地之氣以生有生之後男則氣血俱足女則氣有餘而血不足也至於受病外感內傷之症未嘗不同但女則有調經胎前產後之治此所以更立一科也調經專以理氣補心脾爲主胎前專以清熱補脾爲主產後專以大補氣血兼行滯爲主此婦人科調治之大畧也

濟陰通玄賦

陰陽異質男女殊科特立專門之症治以救在室之疴疴
因其血之虧也故調之必使流通因其血之盈也故抑之
不使鬱遏體本嬌柔性最偏頗肥白者多痰瘦黑者多火
食太過者氣結養不足者血涸專寵愛者治合異乎孤冷
飫膏粱者療莫同於藜藿月事時下兮如朝夕之應期血
海常滿兮似江漢之流波謂之無病可以勿藥或不及期
而先來兮氣有餘而血易虧或過期而後來兮氣不足而
血本弱花氣淡淡兮由血室之水虛桃浪紫色兮被胞戶
之火灼經未行而腹痛兮氣滯血澁而可調經已行而腹

痛兮和氣養血而勿錯或一月而再行兮邪火迫而氣血
不藏或數月而一行兮元氣虧而生化不多皆是損真之
症貴在調理之和滿而不洩兮爲經閉爲血枯爲癥瘕洩
而不滿兮爲崩中爲帶下爲漏濁常滿者惡其中滿常洩
者慮其氣脫脉惟喜其孔濇診切忌乎洪數成隱忍而病
盛兮愚婦自速其亡妄攻補而病增兮庸醫反助其虐

經候既調男女可合不出三日之期宜盡一時之樂乾闥
坤闔陽唱陰和滴秋露於花枝兮玉粒可結鼓春風於桃
浪兮金鱗自躍陰包陽兮則丹桂發芽陽包陰兮則紅蓮

胎產心法 卷六 續
吐萼天地之大義生民之本始勿謂芻蕘之言作誠諧而
咲譔

震風之喜有徵妊娠之脉必確尺數關滑而寸盛陽搏陰
別而爵躍精神雖倦兮桃腮更妍飲食粗惡兮天癸不落
無妨惡阻之害所慎漏胎之濁熱常要清脾不可弱熱若
盛兮而胎動不安脉若虛兮而胎危易墮惟以安胎爲本
其餘雜治爲末斯先哲之格言宜後人之守約
子懸急痛而勿疑子癇卒倒而可愕子滿胎肥而氣壅子
瘦脾虛而氣弱子煩子淋兮胎熱所爲子腫子氣兮胎水

所子嗽子痢兮病轉劇而胎損傷寒傷食兮痰若多而
成惡常慘常鬱兮肺氣結而非崇暴啞不語兮心血虛而
勿藥胎若肥而瘦胎速進脉怕微而診脉休錯

懷胎之後禁忌不可稍犯臨產之前戒慎乃爲要約預脩
藥物捐擇穩凜禁諱去疑兮恐產母之心動居安守靜兮
令產母之氣和兒身未轉兮使力未可太過或逆或橫兮
在穩凜之妙手若遲若留兮係催生之聖藥

醫藥之係非輕母子之命所托差之毫釐甚於水火胎衣
未下兮取之有道惡露未盡兮去之勿過血迷血暈兮死

生存乎呼吸血脹血痛兮攻擊戒乎揮霍但以補虛爲主
莫因他病而訛藥胃喜甘溫兮切忌苦寒脉宜和緩兮最
嫌洪數

惡阻各歸於臟腑諸病若似於瘴魔頭旋而常見黑花兮
乙木之病聲啞而乍見鬼神兮丁火之病臍下痛而或淋
或秘兮溝瀆塞於汚淤腹中或爽或脹或腫兮倉廩積乎陳
莖息逆而喘嗽不寧兮因犯時沴之氣腰疼而俛仰不利
兮乃衝玄海之波煩熱兮責其血去而陰虛羸怯兮知其
辱勞而氣弱能詳察夫症候斯可議乎方藥

經候不調兮烏雞可投天癸或阻兮蒼莎宜托地黃補腎
兼行參朮養脾莫却三補涼血兮專崩中之藥補中煖宮
兮能固帶下之脫安胎胡連兮在妊娠爲最宜瘦胎達生
兮視形症而休錯黑神去惡露而胎衣可取十全補虛羸
而能除陰火臨病審症兮請顧設問之辭舉一談百兮勿
訝余言之約吐露靈府之珠璣掣開醫門之鎖鑰

調經論

概論五條

謹按經云女子二七而天癸衝任滿盛月事以時下乃有
子故得其常候者爲無病不可妄投調經之藥苟或不及

期而經先行者或過期而經後行者或一月而經再行者或數月而經一行者或經閉不行者或崩中者或漏下者此皆失其常候不可不調也大抵調治之法熱則清之冷則溫之虛則補之滯則行之滑則固之下陷則舉之對症施治以平爲期如芩連枝柏清經之藥也丁桂姜附溫經之藥也參朮歸扶補虛之藥也川芎青皮玄胡行滯之藥也牡礪赤石脂棕櫚灰側柏葉固精之藥也升麻柴胡荆芥白芷升舉之藥也隨其症而用之鮮有不效者矣

婦人經候不調有三一曰脾虛二曰衝任損傷三曰脂痰

凝塞治病之工不可不審

脾胃虛弱者經曰二陽之病發心脾女子不月夫二陽者陽明胃也胃主受納五穀長養血氣灌漑臟腑流行經隧乃水穀之海血氣之母也惟憂愁思慮則傷心心氣受傷脾氣失養鬱結不通腐化不行胃雖能受而所謂長養灌漑流行者皆失其令矣故脾胃虛弱飲食減少氣日漸耗血日漸少斯有血枯經閉及血少色淡過期始行數月一行之病

衝任損傷者經曰風以吹之血以濡之故氣行則血行氣

止則血止也女子之性執拗偏急忿怒妒忌以傷肝氣肝
爲血海衝任之係衝任失守氣血妄行也又褚氏曰女子
血未行而強合以動其血則他日有難名之疾故女未及
二七天癸之期而男子強與之合或於月事適來未斷之
時而男子縱慾不已衝任內傷血海不固由斯二者爲崩
漏有一月再行不及期而先行者矣

脂痰凝塞者蓋婦女之身內而腸胃開通無所阻塞外而
經隧流利無所凝滯則血氣和暢經水應期惟彼肥碩者
膏脂充滿玄室之戶不開挾痰者痰涎壅滯血海之波不

流有過期而經始行或數月而經一行爲濁爲帶爲經閉
爲無子之病

不及期而經先行

如德溫和素無他疾者責其血盛且有熱也

歸身

川

芎

各七分

赤芍

生

地

知母

麥冬

地骨皮

各一錢

甘

草

五分

水煎空心服

如性急燥多怒多如者責其氣血俱熱且有鬱也

歸身

川

芎

白

芍

各一錢

生

地

七分

條芩炒

黃連炒

香

附便浸炒 各一錢 甘

草五分

水煎服

如形瘦素無他疾者責其血熱也用四物加黃連湯四物

內用

赤芍

芩連俱炒各一錢 甘

草五分

水煎食前服兼服三補丸和之

三補丸○專治血熱

黃連

黃芩

黃

柏各炒各等分

蜜丸白湯下

如形瘦素多疾且熱者責其衝任內傷也